

OBSEQUIUM
LONDINI

Serenissimo ac Potentissimo Principi

CAROLO II^o.

*Magnæ Britanniae, Franciæ & Hiberniæ
Regi Pio, Augusto.*

In Illustrissimo illo Conventu ad

GUILD HALL,

Die 5^o JULII, 1660.

Humillimè exhibitum,

Ab E. C.

Ed. Droghda

LONDINI:

Typis Tho. Newcomb. An. 1660.

OBSCURUM

4

THE
MAY 29, 1913
SUBSCRIPTION FOR
ENGLISH HISTORICAL TRACTS

Principal

OF

Library of the
The

the

CHURCH

1880

11

At F.C.

FOR

The
An. 1880.

T Andem longa dies, labor & mutabilis ævi
 Rettulit in melius, quæ vix speravimus antè.
Anglia nunc iterum totum laudata per orbem,
 Te mea Musa canit, tua nunquam facta tacebit
 Integra posteritas, dum coeli lumina fulgent.
 Tempus adest lugubrem subito deponere vestem,
 Et sursum lætos ad sydera tollere vultus.
 Sat fatis lacrymisque datum est, regnante Tyranno,
 Felix, qui veterum nescit meminisse malorum.
 Aurea nunc redeunt, redierunt secula nobis,
 Præsentem colimus, quem deploravimus olim
 Absentem Regem, sic Jupiter omnia versat.
 CAROLUS exul erat, nunc *Rex* cum laude triumphat,
 Et manibus populi gaudet conjungere dextram.
 Nec satis hoc: etiam mensis accumbere nostris
 Dignatur Dominus, populo tam justa petente.
Londinum, tua laus hæc est, tua gloria tantò
 Major erit, quantò major favor ille *Magistri*.
 Lætabunda dies, famulum quo suscipit Hæres,
 Quò *Rex*, quo cives membrum copulantur in unum:
 Nulla ætas unquam talem dissolvat amorem,
 Nec minuatur, donec pereunt peritura, precamur.
 Quid tibi nunc *Rex* nate Deo, pro laudibus istis
 Ecquid *Londinum* tanta dabit indole dignum?
 Arma, quibus lætamur, habe, quin ponimus, ultro
 Vitam, fortunas, spem totam, vota, fidemque
 In gremium Domini, ne munera spernito nostra.
 Sit Priamus Genitor, Priami truncatus ad aras,
 Hunc populus, ferit hostis eum, mors una duobus.
 Sed frustra factum querimur, speravimus ista

Dum

(2)

Dum fortuna fuit, scelus hoc expendimus omnes :
(Dii capiti nostro meritam subducite poenam !)
Tu magni Patris salve spes maxima, Princeps
CAROLE, sis felix, nostrasque avertito curas.
Tu pius Æneas, per mille pericula rerum
In patrias sedes tendis, tibi fata quietas
Ostendunt sedes, perierunt fata priora.
Non est *Urbs* eadem, populus mutatus, & ipsa
Religio suadet justum esse capeffere iussa
Principis, infonem qui scit defendere plebem.
Ergo quid dubites epulas invisere nostras,
Cæsaris haud illas maculabit sanguine Brutus.
Sanguinis heu multum fusum est ; nunc claudere rivos
Imperat *Augustus*, Nihil illo, triste, recepto.
Et lac & vinum bibet Hic : bibit ante cruorem
Terra satis ; restat nunc votis jungere vota.
Carolus ut vivat, *Pax & Concordia* vivat,
Vivat Rex talis, feros numeretque nepotes.
Gloria, lumen, amor, populi spes unica vivat,
Vivat, & accipiat, meruit quam jure, Coronam.

FINIS.

